



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00242 pillugu ataasinngornermi ulloq 28. maj 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 16. maj 2007-imi ataatsimiinneranni imm. 2a)

Pineqartut

- a) Savaatillit Peqatigiit Suleqatigiissut (SPS-ip) 2007-imut inuussutissarsiutinut tapersiissutiniit aningaasaliiffigineqaqqinnissamik qinnuteqaataa, kiisalu
- b) 2007-imi nerukkaatissanik pisinermi ukiunut qulinut aningaasaliissuteqartoqarnissaanik SPS-ip kissaataanik akuersinissaq

Naalakkersuisut inassutigaaat,

kontomi pingaarnermi 51.07.45-mi, Nunalerinermik inuussutissarsiummut taarsigassarsianut ernialersugassaannigitsunut taarsersugassaannigitsunullu tunngasumi, aningaasaliissutit 5.250.000 kr.-inik amerlineqassasut, aamma kontomi pingaarnermi 51.07.42-mi, Taarsigassarsianut ernialersugassanut tunngasumi, aningaasaliissutit 3.000.000 kr.-inik amerlineqassasut kontomi pingaarnermi 50.06.50-imi, Aalisarnermi aningaasaliissutinut immikkoortitanut tunngasumi, aningaasaliissutit taakku amerlaqataannik 8.250.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Savaateqarnermik inuussutissarsiummut ernialersugassaannigitsunik taarsersugassaannigitsunillu 2007-imi taarsigassarsianut aningaasaliissutit qaffanneqarnissaannik qinnuteqaammik imalimmik Naalakkersuisut SPS-imit saaffiginnissummik tigusaqarsimasut qinnuteqaammi matumani takuneqarsinnaavoq. Tamatuma saniatigut savaatillit 2007-imi nerukkaatissanik pisinissaannut aningaasaliinissaq siunertaralugu taarsigassarsianut ernialersukkanut aningaasaliissutit amerlineqarnissaat qinnutigineqarpoq. Qinnuteqaat kingulleq ataasiartumik qinnuteqaataasoq takuneqarsinnaavoq, tassa nerukkaatissanik pisinermut aningaasalersuineq 2008 aallarnerfigalugu Namminersornerullutik Oqartussat akuuffiginngisaannik niuernermit atugassarititaasut naapertorlugit ingerlanneqartalissammat.

Aningaasaqarnermut Ataatsimiititaliaq suliami inaarutaasumik aalajangiitinnagu paasissutissanik annertunerusunik pissarsitinneqarnissaq ataatsimiititaliamit kissaatigineqarpoq.

1. Aalisarnermik ineriartortitsinermut sillimmatinut aningaasaliissutit 8,25 mio. kr.-inik ikilineqarnerisigut savaatilinnut taarsigassarsisitsissutissat aningaasalersorneqassasut Naalakkersuisut siunnersuutigigaat qinnuteqaammi takuneqarsinnaavoq. Tassanili

aamma takuneqarsinnaalluni taamaaliornikkut ukiup ingerlanerani kingusinnerusukkat aalisarnermut tunngasuni aningaasanik amigaateqalernissaq aarleqqutigineqarsinnaasoq. Paasissutissap taassuma itisiliivigineqarnissaa ataatsimiititaliamit kissaatigineqarpoq. Tassunga ilanngullugu makku paasissutissiissutigineqarnissaat ataatsimiititaliamit kissaatigineqarpoq:

- a. Aalisarnermik ineriartortitsinermit sillimmatit tapiiffigineqarnissamik qinnuteqaatit qassit Naalakkersuisunit tiguneqarsimappat taakkulu aningaasanngorlugit katillugit qanoq amerlatigippat?
 - b. Piffissaq qaninnerusoq ungasinnerusorlu isigalugit nunalerinermit aammalu aalisarnermit inuussutissarsiutit akornanni inuussutissarsiutinut tapersiisarnermit aningaasaliussanik Naalakkersuisunut ilaasortaq naalackersuinikkut qanoq pingaarnersiuilersarpa?
 - c. Aningaasaliissutinik nuussineq aalisariutinik nutarteriniarnermit, tassungalu ilanngullugu sinerissamut qanittumi aalisariutit imminut akilersinnaanngitsortaannik ikilisaaniarnermit qanoq kinguneqarsinnaava? Tassunga ilanngullugu aalisarnermik ineriartortitsinermit sillimmatit ikilineqarnerat qaleralinniarnermi aalisariutikillisaaniarluni pilersaarutinut allanut qanoq sunniuteqassanersoq paasissutissiissutigineqassasoq kissaatigineqarpoq.
 - d. Sinerissamut qanittumi aalisariutinik ikilisaqqittoqarnissaa Naalakkersuisut pisariaqarsoraat? – Aammalu aalisariutikillisaanerit ingerlasut sumut killippat?
2. 2008-mi aningaasanut inatsit aammalu 2009-mi aningaasanut inatsit aqputigalugit aalisarnermik ineriartortitsinermit sillimmatit aningaasanik qinnuteqaammi matumani pineqartunik aningaasaliiffigeqqinneqarnissaat Naalakkersuisoqarfimmit kissaatigineqartoq Naalakkersuisut isummernissaannut tunngavissiami allassimavoq. Siunertamut tassunga 2008-mi aningaasanut inatsisissatut siunnersuummi kontomut pingaarnermut 50.06.50-imut, Aalisarnermi aningaasaliissutinut immikkoortitanut tunngasumut, aningaasanik Naalakkersuisut immikkoortitsilersarpa?
- a. Aningaasaliissutinik qaffaanerup allatigut, soorlu ingerlatsinermit sillimmatit aqputigalugit, aningaasalersorneqarsinnaaneranut Naalakkersuisut qanoq periarfissaqarsoraat?
3. Nunalerinermik inuussutissarsiutip aningaasaqarneranik tamatumanilu tapiiffigineqarnissamut pisariaqartitsinermik misissueqqissaartussamik Naalakkersuisut suleqatigiissitaliulersartut Naalakkersuisut isummernissaannut tunngavissiami takuneqarsinnaavoq. Suliaq taanna Naalakkersuisut sumut killippaat aammalu misissuinerup inernerinik suleqatigiissitaq qaqugu saqqummiussissasoq naatsorsuutigineqarpa?

Aningaasaqarnermut Ataatsimiititaliap aalajangiinera

Apeqputinik siuliani allassimasunik Naalakkersuisut akissuteqarnissaasa tungaannut Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartipaa**.

Qinnuteqaat nukinginnartutut isigineqarmat akissuteqaat kalaallisut danskisullu kiisalu qarasaasiakkut piaartumik uunga nassiuteqquneqarpoq: nch@gh.gl.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua